



Aningaasaqarnermut Naalackersuisoq

Ulloq: 11. marts 2021
J.nr.: 01.31.06/21-00928

Aningaasaqarnermut Akileraartarnermullu Ataatsimiititaliap pingasunngornermi ulloq 10. marts 2021-mi aalajangiineranik Naalackersuisunut ilisimatitsineq.

Kontumi pingaarnermi 86.60.01-imi, Peqqinnissaqarfik - Nuummi tarnikkut napparsimasunut illu, missingersuutitut sunniuteqanngitsumik nuussineq – Suliaq nr. 01.31.06/21 - 00928.

” Naalackersuisut inassutigaa,

- Konto pingaarneq 86.60.01 Peqqinnissaqarfimmi, suliniut nr. 060.46.021 Nuummi tarnikkut nappaatilinnut illu, aningaasaliissutit 2021-mi 8.000.000 kr.-nik **ilaneqassasut** aamma
- Konto pingaarneq 86.60.01 Peqqinnissaqarfimmi, suliniut nr. 996.47.055 Sanaartugassat nutaat iluarsagassallu assigiinngitsut, aningaasaliissutit 2021-mi 8.000.000 kr.-nik **ilanngarneqassasut.**”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Inatsisartunut qinersinissap nalunaarutigineqarnerata Inatsisartunullu qinersinerup akornani piffissami Inatsisartut sulinerannut tunngasut Inatsisartunut ilaasortanut, partiit allatseqarfiinut Inatsisartullu Allattoqarfiannut Inatsisartut Siulittaasuata qinersinissap ulloq 16. februar nalunaarutigineqarneranut atatillugu nalunaarutigisai ataatsimiititaliamit innersuussutigineqassapput.

Siulittaasup ilaatigut nalunaarutigaa:

“Qinersinissap nalunaarutigineqarneratigut Inatsisartut pisarnertut ingerlajunnaarput.

Tamanna aamma atuuppoq ataatsimiititaliami sulinermut. Taamaattumillu tunngaviatigut qinersinissap tungaanut ataatsimiititaliami sulineq ingerlanneqassanngilaq.

Aningaasaqarnermut Ataatsimiititaliamut tunngatillugu pissutsit immikkut ittut atuupput, tassa aningaasaliissuteqarnissamik suliassat naalackersuineranut tunngasumik imaqanngitsut kisimik ataatsimiititaliamit suliarineqarsinnaammata, taakku inuiaqatigiit ingerlanneqarnerat eqqarsaatigalugu kinguartinneqarsinnaanngippata, tamannalu ataatsimiititaliamit tamarmiusumit isumaqatigineqarpat.”

Suliamut matumunnga tunngatillugu ataatsimiititaliaq aalajangerpoq Inatsisartunut immikkut ittumik qinersineq pillugu Inatsisartut inatsisaat nr. 1, 18. februar 2021-meersoq (UKIU 2021/18) naapertorlugu partigruppini siulittaasut, Inatsisartunut ilaasortaaitat minnerpaamik 2/3-iinik tunuliaquteqartut aatsaat tapersiippata suliaq una suliarineqarsinnaasoq.

Taamatutaaq Inatsisartut inatsisaat nr. 1, 18. februar 2021-imeersoq Aningaasaqarnermut Ataatsimiititaliamit eqqumaffigeqquneqassaaq, tassani Aalajangersakkami (§ 6) allassimavoq:

“Inatsisartut Naalackersuisullu pillugit Inatsisartut inatsisaanni § 29-mi killiliussat iluanni Naalackersuisut piginnaatinneqarput, pisariaqartumik aningaasaliissuteqartoqarsimatillugu partigruppini siulittaasut, Inatsisartunut ilaasortaaitat minnerpaamik 2/3-iinik tunuliaquteqartut akuersinerisigut, inuiaqatigiinnut pingaaruteqartunik aammalu kinguartinneqassappata inuiaqatigiinnut ajoqutaasinnaasunik allanik aalajangiinissamut.”

Partigruppini siulittaasut taamatut akuersippata suliassaq Aningaasaqarnermut Akileraartarnermullu Ataatsimiititaliap suleriaasia naapertorlugu Aningaasaqarnermut Akileraartarnermullu Ataatsimiititaliamit inaarutaasumik akuerineqartussanngorlugu nassiuteqqinneqarsinnaavoq.

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni Naalackersuisut inassuteqaataat, ataatsimiititaliap isumaa malillugu, aningaasaliissuteqarnissamik sulianut Siulittaasoqarfiup piumasqaataanik eqquutitsinngitsutut isigineqarmata Aningaasaqarnermut Akileraartarnermullu Ataatsimiititaliamit nalunaarutigineqassaaq, taamaattumillu suliaq siuliani taaneqartut ataatsimiititaliamit suliarineqarsinnaasutut isigineqanngilaq.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua